

Ақийда дарслари (204-дарс) Жиннинг имкониятлари инсоннига нисбатан кўпроқми? (учинчи мақола)



00:00 / 23.11.2022 2050

7. Жинлар ҳам қиёмат куни маҳшаргоҳга тўпланадилар, амаллари ҳисоб-китоб қилинади ва савоб ёки азоб берилади.

Аллоҳ таоло Анъом сурасида:

مِنَ أَسْتَكْرَتُمْ قَدِ الْجِنِّ يَمْعَشُرَ جَمِيعًا يَحْشُرُهُمْ وَيَوْمَ

بَعْضُنَا أَسْتَمْتَعَ رَبَّنَا أَلِإِنْسِ مِنَ أُولَيَأْوُهُمْ وَقَالَ أَلِإِنْسِ

خَلِيلِ الدِّينِ مَثُونُكُمْ أَنَّارٌ قَالَ لَنَا أَجَّلْتَ أَلَّذِي أَجَّلَنَا وَبَلَغْنَا بِعَضٍ

عَلِيمٌ حَكِيمٌ رَبَّكَ إِنَّ اللَّهَ شَاءَ مَا إِلَّا فِيهَا ١٢٨

«Уларнинг ҳаммасини тўплайдиган Кунда: «Эй жинлар жамоаси! Инсдан (адаштирганларингизни) кўпайтириб юбордингиз?!» (дейди). Уларнинг инсдан бўлган дўстлари: «Роббимиз, биз бир-биримиздан баҳраландик ва бизга белгилаган муддатингга етиб келдик», дерлар. У Зот: «Турар жойингиз оловдир, унда мангу қолувчиидирсиз. Аллоҳ хоҳласа, мустасно», дер. Албатта, Роббинг ўта ҳикматлидир, ўта билувчиидир», деган (128-оят).

Ушбу ояти каримада таъриф этилаётган саҳна қиёмат куни саҳнасидир. У кун оятда «уларнинг ҳаммасини тўплайдиган Кун» деб таърифланяпти. Яъни Аллоҳ инсу жинларнинг ҳаммасини жамлайдиган кун. Демак, қиёмат куни Аллоҳ таоло инсларни – одамларни жамлаганидек, жинларни ҳам жамлайди. Шунда Аллоҳ кофир жинларга:

«Эй жинлар жамоаси! Инсдан (адаштирганларингизни) кўпайтириб юбордингиз?!» дейди.

Бу гап жинларга қилган ишлари ҳақида хабар бериш эмас, балки қилган амалларини танқид қилиш, қоралаш учун айтилади. Чунки ўзларининг васвасаси ва иғволарига учган одам болалари кўп эканини жинлар яхши биладилар. Аллоҳ таоло бу гапни жинларга айтган бўлса ҳам, жавобини ўша жинларга эргашган, уларга валий-дўст бўлган одамлар беради:

«Уларнинг инсдан бўлган дўстлари: «Роббимиз, биз бир-биримиздан

баҳраландик ва бизга белгилаган муддатингга етиб келдик».

Демак, жинлар одамларни йўлдан уриб, иғво қилиб, ёмон йўлга юргизиб, ҳузур-ҳаловат олган ва роҳатланганлар.

Жинлар фитнасига учиб, кофир ва гуноҳкор бўлган одамлар эса улар зийнатлаб кўрсатган, ҳавои нафсни қондирувчи ишларни бажариб, ҳузур қилганлар. Булар иродаси заиф, ғофил, ҳавои нафсга берилган, шаҳватпаст одамлар бўлганлар. Шайтон уларнинг ушбу заиф жойларидан тутиб, иғвосига учирган ва ўзига малай қилиб олиб, ҳар кўйга солган, бу дунёда мақсадларига эришиш йўлида улардан фойдаланиб, ҳузур қилган.

Шайтонга малай бўлган инсонлар у зийнатлаб кўрсатган мафкураларни ўзиники қилиб, беш кунлик ҳаётларида ҳавои нафсини қондириш йўлида ошкора ва махфий гуноҳларни ишлаб, ўзларича, ҳузур қиляпмиз, деб юраверганлар. Улар ҳаётларини шундай қилиб ўтказганлар. Энди эса ҳамма нарсани тушуниб етиб, «...бизга белгилаган ажалингга етиб келдик», деб турибдилар.

Етиб келишгани аниқ. Ана энди улардан ҳар бири – ҳам инсони, ҳам жини ўз қилмишига яраша адолатли жазосини топади.

«У Зот: «Турар жойингиз оловдир, унда мангу қолувчиидирсиз. Аллоҳ хоҳласа, мустасно» дер».

Бу ҳол оқибати сизга у дунёда ҳам айтилган эди. Аммо қулоқ солмадингиз. Мана энди ўша айтилган жазо муқаррар бўлди. Сизнинг маконингиз оловли дўзах бўлади. Фақат иродаси чексиз Аллоҳ бошқа нарсани хоҳласагина, абадий бўлмаслиги мумкин.

«Албатта, Роббинг ўта ҳикматлидир, ўта билувчиидир».

Унинг ҳар бир иши ҳикматдан холи эмас. У ҳамма ишини билим ила қиласи.

Аллоҳ таоло Ҳуд сурасида:

رِبِّكَ كَلِمَةٌ وَتَمَتْ حَقَّهُمْ وَلِذِلِكَ رَبُّكَ رَحِيمٌ مَنْ إِلَّا

أَجْمَعِينَ وَالنَّاسُ الْجِنَّةَ مِنْ جَهَنَّمَ لَا مُلَائِكَةٌ
١١٩

«Роббингнинг «Жаҳаннамни жинлар ва одамлар билан тамомила тўлдиурман» деган сўзи батамом бўлди», деган (119-оят).

8. Жинларга катта куч, маҳорат ва имконият берилган.

Аллоҳ таоло Сод сурасида қуийдагиларни айтади:

أَصَابَ حَيْثُ رُخَاءً بِأَمْرِهِ تَجْرِي الْرِّيحُ لَهُ فَسَخَّرَنَا
٣٦

وَغَوَّاصِ بَنَاءِ كُلَّ وَالشَّيْطَنِ
٣٧

۲۸ ﴿الْأَصْفَادِ فِي مُقَرَّنَيْنَ وَإِخْرَيْنَ﴾

«Бас, унга шамолни беминнат хизматкор қилиб қўйдик, унинг амри билан у ирода қилган томонга майин эсаверади. Яна барча бинокор ва ғаввос шайтонларни ҳам. Ва бошқаларини ҳам кишанланган ҳолда тўплаб» (36-38-оятлар).

Ушбу уч оятда Аллоҳ таолонинг Сулаймон алайҳиссаломга хос қилиб берган нарсалари зикр этилмоқда.

«Бас, унга шамолни беминнат хизматкор қилиб қўйдик...»

Сулаймон алайҳиссалом нимани истаса, шамол шу истакка сўзсиз бўйсунадиган бўлди.

«...унинг амри билан у ирода қилган томонга майин эсаверади».

Бу иш Аллоҳ таолога жуда осондир. Чунки Сулаймон алайҳиссалом ҳам, шамол ҳам Аллоҳ яратган маҳлукдир, Аллоҳнинг иродаси остидаги халқдир. Шулардан бирини иккинчисига бўйсундириб қўйиш Аллоҳ учун иш эмас.

«Яна барча бинокор ва ғаввос шайтонларни ҳам» бўйсундириб қўйдик. Бинокор шайтон-жинлар у кишининг амрига бўйсуниб, оддий одамларнинг қудрати етмайдиган улкан қасрлар қуриб беришар эди. Ғаввос шайтонлар эса денгиздан дуру маржонлар териб беришарди.

«Ва бошқаларини ҳам кишанланган ҳолда тўплаб».

Яъни бошқа ўзбошимча шайтон-жинлар кишанланиб, иккита-иккита ёки кўпроқ ҳолда бир-бирларига жамланиб, Сулаймон алайҳиссаломга бўйсундирилган эди. Улар Сулаймон алайҳиссалом хоҳлаган ишларни бажо

келтиришарди.

Пайғамбаримиз Мұхаммад соллаллоҳу алайҳи васаллам бир куни сахобалариға «Бугун кечаси жинларни ушлаб, боғлаб қўйган эдим.

Биродарим Сулаймоннинг «Эй Роббим, менга ўзимдан кейин бирор кишига мұяссар бўлмайдиган мулкни ҳадя этгин», деган гапини эслаб, қўйиб юбордим, йўқса, сизлар ҳам уларни кўрар эдингиз», деганлар.

Аллоҳ таоло Намл сурасида:

وَإِنِّي مَقَاتِلٌ مِّنْ تَقْوُمٍ أَنَّ قَبْلَ بِهِ عَائِنَى أَنَا الْجِنْ مِنْ عِفْرِيتٍ قَالَ

أَمِينٌ لِّقَوْيٍ عَلَيْهِ

۳۹

«Жинлардан бўлган Ифрит: «Мен уни сенга ўрнингдан тургунингча келтируман. Албатта, бунда қувватли ва ишончлиман», деди», деган (39-оят).

Араб тилида ёмонликда уччиға чиққан, ўтакетган ёмон ва қувватли жиншайтон «ифрит» дейилади. Бу сўз шайтонга ўхшаш одамга ҳам ишлатилади.

Аллоҳ таоло Сабаъ сурасида қуйидагиларни айтган:

كَلْجُوَابِ وَجِفَانِ وَتَمَثِيلَ مَحَرِّبٍ مِنْ يَشَاءُ مَا لَهُ، يَعْمَلُونَ

عِبَادِيَ مِنْ وَقِيلٌ شُكْرًا دَأْوَدَ إَلَّا أَعْمَلُوا رَأْسِيَتٍ وَقُدُورٍ

الشَّكُورُ
١٣

«(Жинлар) унга меҳроблар, ҳайкаллар, ҳовузлар каби лаганлар ва
собит қозонлардан хоҳлаганини қилиб беришар эди» (13-оят).

Аллоҳ таоло томонидан Сулаймон алайҳиссаломга бўйсундирилган жинлар
у кишига меҳроблар, яъни улкан ибодатхоналар қуриб берар эдилар.

«...ҳайкаллар».

Турли нарсаларнинг ҳайкалларини ҳам ясад берардилар.

«...ҳовузлар каби лаганлар...»

Таом ейдиган лаганлари ҳовуз каби катта бўлар эди. Ўша вақтда шунга
эҳтиёж бўлса керак. Шунингдек, одамлар бажара олмайдиган ишларни
қиласиган жинлар ҳақиқатан ҳам Сулаймон алайҳиссаломга мўъжиза
сифатида кўрсатилган.

«...ва собит қозонлардан хоҳлаганини қилиб беришар эди».

Тоғ каби собит қозонларни Сулаймон алайҳиссаломга ясаб бериш ҳам жинларнинг вазифасига кирар эди. Улар Сулаймон алайҳиссалом хоҳлаган ишни бажарап эдилар.

Давоми бор

«Сунний ақийдалар» китоби асосида тайёрланди